

গণপ্রজাতন্ত্রী বাংলাদেশ সরকার
কৃষি বিপণন অধিদপ্তর
খামারবাড়ি, ফার্মগেট
ঢাকা-১২১৫।

স্মারক নং: ১২.০২.০০০০.০১২.০৬.০০১.১৮- ০৪৩

তারিখঃ ২৫-০৫-২০১৮

বিষয়ঃ কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিতে অন্তর্ভুক্ত প্রকল্প/কর্মসূচী সমূহের উপর গত ৩০-০৪-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা (মার্চ/২০১৮ পর্যন্ত) সভার কার্যবিবরণী প্রেরণ প্রসঙ্গে।

উপর্যুক্ত বিষয়ের প্রেক্ষিতে জানানো যাচ্ছে যে, গত ৩০-০৪-২০১৮ তারিখে কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিভুক্ত প্রকল্প এবং রাজস্ব বাজেটভুক্ত কর্মসূচীসমূহের বাস্তবায়ন অগ্রগতির মার্চ/২০১৮ পর্যন্ত উপর পর্যালোচনা সভা অনুষ্ঠিত হয়। উক্ত সভার কার্যবিবরণী সদয় অবগতি ও পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এতদসঙ্গে প্রেরণ করা হলো।

২। কার্যবিবরণীতে বর্ণিত সিদ্ধান্তসমূহের বাস্তবায়ন অগ্রগতির প্রতিবেদন মে, ২০১৮ মাসের এডিপি সভার কার্যপত্রে অন্তর্ভুক্তির জন্য বিশেষ কোন আলোচ্যসূচীর প্রস্তাব থাকলে তা আগামি ২০-০৫-২০১৮ তারিখের মধ্যে অধিদপ্তরে হার্ড কপি ও সফট কপি (e-mail: neenashahnaz@gmail.com) আবশ্যিকভাবে প্রেরণ করার জন্য নির্দেশক্রমে অনুরোধ করা হলো।

সংযুক্তঃ বর্ণনামতে ০৪ (চার) পাতা।



(শাহনাজ বেগম নানা)

উপ-পরিচালক (পিপি)

ফোনঃ ৯১১৪৮২২

e-mail: neenashahnaz@gmail.com

কার্যার্থে অনুলিপিঃ (জৈষ্ঠ্যতার ক্রমানুসারে নয়)।

- ১। উপ-পরিচালক (বাজার সংযোগ), কৃষি বিপণন অধিদপ্তর, খামারবাড়ি, ঢাকা।
- ২। উপ-পরিচালক (গবেষণা), কৃষি বিপণন অধিদপ্তর, খামারবাড়ি, ঢাকা।
- ৩। উপ-পরিচালক, কৃষি বিপণন অধিদপ্তর, ঢাকা/চট্টগ্রাম/রাজশাহী/খুলনা/সিলেট/বরিশাল/রংপুর বিভাগ।
- ৪। প্রকল্প পরিচালক, সিলেট অঞ্চলে শস্যের নিবিড়তা বৃদ্ধিকরণ প্রকল্প (বিপণন অংগ), খামারবাড়ি, ঢাকা।
- ৫। কর্মসূচি পরিচালক, বসতবাড়িতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচি, রংপুর।
- ৬। কর্মসূচি পরিচালক, ফ্রেশকাট শাক-সবজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচি, ঢাকা।

সদয় অবগতির জন্য অনুলিপিঃ

- ০১। সিনিয়র সচিব, কৃষি মন্ত্রণালয়, বাংলাদেশ সচিবালয়, ঢাকা।
(দৃঃআঃ যুগ্ম-প্রধান, কৃষি মন্ত্রণালয়)।
- ০২। সিস্টেম এ্যাডমিন (আইসিটি সেল), কৃষি বিপণন অধিদপ্তর, খামারবাড়ি, ফার্মগেট, ঢাকা।
(ওয়েব সাইটে প্রকাশের অনুরোধ সহ)
- ০৩। মহাপরিচালক মহোদয়ের ব্যক্তিগত কর্মকর্তা, কৃষি বিপণন অধিদপ্তর, খামারবাড়ি, ফার্মগেট, ঢাকা।

গণপ্রজাতন্ত্রী বাংলাদেশ সরকার
কৃষি বিপণন অধিদপ্তর
খামারবাড়ি, ফার্মগেট
ঢাকা-১২১৫।

বিষয়ঃ ২০১৭-১৮ অর্থ বছরের এডিপিভুক্ত কৃষি বিপণন অধিদপ্তরের আওতায় বাস্তবায়নাধীন প্রকল্প/কর্মসূচীসমূহের উপর
গত ৩০-০৪-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা (মার্চ/২০১৮ পর্যন্ত) সভার কার্যবিবরণীঃ

সভাপতি : জনাব মোঃ মাহবুব আহমেদ, মহাপরিচালক, কৃষি বিপণন অধিদপ্তর।
স্থান : সভা কক্ষ, কৃষি বিপণন অধিদপ্তর, ঢাকা।
সময় : দুপুর ১২.৩০ ঘটিকা।
তারিখ : ৩০ এপ্রিল, ২০১৮ খ্রিঃ।
সভায় উপস্থিত কর্মকর্তাবৃন্দ : পরিশিষ্ট-‘ক’।

সভাপতি সকলকে স্বাগত জানিয়ে সভার কাজ শুরু করেন। অতঃপর সভার কার্যপত্র অনুযায়ী আলোচনাতে নিম্নরূপ সিদ্ধান্ত গৃহীত হয়ঃ
আলোচনাঃ

১। আলোচ্য বিষয়-১: ২৮-০৩-২০১৮ তারিখে অনুষ্ঠিত এডিপি পর্যালোচনা সভার কার্যবিবরণী নিশ্চিতকরণ।

গত ২৮-০৩-২০১৮ তারিখে ফেব্রুয়ারী, ২০১৮ সময়ের এডিপি পর্যালোচনা সভার কার্যবিবরণী নিশ্চিতকরণের জন্য সভায় উপস্থাপন করা হয় এবং কোন সংশোধনী প্রস্তাব না থাকায় তা নিশ্চিতকরণের সিদ্ধান্ত গৃহীত হয়।

ক্রঃ নং	সিদ্ধান্ত	বাস্তবায়নকারী কর্তৃপক্ষ
১.১	২৮-০৩-২০১৮ তারিখের এডিপি পর্যালোচনা সভার কার্যবিবরণী নিশ্চিত করা হলো।	উপ-পরিচালক (নীতি ও পরিকল্পনা)

২। আলোচ্য বিষয়-২.১: কৃষি বিপণন অধিদপ্তর কর্তৃক বাস্তবায়নাধীন এডিপিভুক্ত প্রকল্প ও রাজস্ব বাজেটভুক্ত কর্মসূচীসমূহের বাস্তবায়ন অগ্রগতির তথ্য উপস্থাপন কালে সভাকে জানান হয় যে, কৃষি বিপণন অধিদপ্তরের আওতায় ২০১৭-১৮ অর্থ বছরে এডিপিতে ০১টি বিনিয়োগ প্রকল্পের অনুকূলে আরএডিপি ৩৮২.০০ লক্ষ টাকার বিপরীতে ১ম, ২য় ও ৩য় কিস্তি বাবদ মোট ৩২৩.৫০ লক্ষ টাকা ছাড় পাওয়া যায় এবং মার্চ, ২০১৮ পর্যন্ত সর্বমোট ২২২.৭৩ লক্ষ টাকা ব্যয় করা হয়েছে যা মোট বরাদ্দের ৫৮.৩১%। তাছাড়া কৃষি বিপণন অধিদপ্তরের বাস্তবায়িত ০২টি কর্মসূচী এর আওতায় ২০১৭-১৮ অর্থ বছরে মোট ৮৩.৮০ লক্ষ টাকা বরাদ্দের বিপরীতে ১ম, ২য় ও ৩য় কিস্তি বাবদ ৬২.৮৫ লক্ষ টাকা ছাড় করা হয় এবং মার্চ, ২০১৮ পর্যন্ত সর্বমোট ৫৩.৯৯৫ লক্ষ টাকা ব্যয় করা হয়েছে যা মোট বরাদ্দের ৬৪.৪৩%। ইতোমধ্যে প্রকল্পের আরএডিপি অনুযায়ী ও রাজস্ব বাজেটভুক্ত কর্মসূচীসমূহের ৪র্থ কিস্তির অর্থ ছাড়ের প্রস্তাব করা হয়েছে। এডিপি বাস্তবায়নের হার আরও গতিশীল করার লক্ষ্যে প্রকল্প/কর্মসূচী সমূহে বরাদ্দকৃত অর্থ ১০০% অগ্রগতি হওয়ার জন্য প্রকল্প পরিচালক ও কর্মসূচী পরিচালককে সভায় নির্দেশনা দেয়া হয়।

২.১ বিগত সভার সিদ্ধান্ত বাস্তবায়ন অগ্রগতি আলোচনাকালে সকল প্রকল্পের বছর ওয়ারী সকল অডিট আপত্তি অতিদ্রুত নিষ্পত্তি করা, সিলেট অঞ্চলে শস্যের নিবিড়তা বৃদ্ধিকরণ (বিপণন অংগ) শীর্ষক প্রকল্পের এসেসম্বল সেন্টার নির্মাণ কাজ নির্ধারিত ব্যয় প্রাক্কলনের মধ্যে শেষ করার প্রয়োজনীয় উদ্যোগ গ্রহণ এবং সকল ধরনের প্রশিক্ষণ, সার্ভে ও সেমিনার শেষ করতে প্রয়োজনীয় নির্দেশনা প্রদান করা হয়। এছাড়া কর্মসূচীসমূহের যাবতীয় নির্মাণ কাজ নির্ধারিত সময়ের মধ্যে শেষ করতে নির্দেশনা প্রদান করা হয়।

২.২: “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” প্রকল্পের আওতায় এসেসম্বল সেন্টার নির্মাণ কাজ ওয়ার্ক অর্ডার নির্ধারিত সময়ের মধ্যে শেষ করার প্রয়োজনীয় উদ্যোগ গ্রহণ করতে নির্মাণকারী সংশ্লিষ্ট প্রতিষ্ঠানকে পত্র দিতে সভাপতি নির্দেশনা প্রদান করেন। প্রকল্পের আওতায় নির্মিত অফিস কাম ট্রেনিং সেন্টারের কাজ অনুযায়ী আরো ২৫.০০

(পঁচিশ) লক্ষ টাকা নির্মাণকারী প্রতিষ্ঠানকে প্রদানের জন্য সভাপতি নির্দেশনা প্রদান করেন। ইতোমধ্যে নির্মাণকৃত এসেঞ্চল সেন্টারের উদ্বোধনের প্রয়োজনীয় ব্যবস্থা গ্রহণের জন্য সভাপতি নির্দেশ প্রদান করেন।

২.৩: “বসত বাড়ীতে আলু সংরক্ষণ, প্রক্রিয়াজাত-করণ ও বিপণন কার্যক্রম কর্মসূচি” কর্মসূচির শেষ বছরে তৃতীয় কিস্তির অর্থ ব্যয়, বছর শেষ পর্যায়েও ০১টি আলুর ঘর নির্মাণ কাজ ও “মডেল আলুর মিষ্টি ঘর” চালু করতে না পারায় সভায় সভাপতি অসন্তোষ জ্ঞাপন করেন। ১৫ মে, ২০১৮ মাসের মধ্যে সকল আলুর ঘর নির্মাণ কাজ সমাপ্ত করে আলু সংরক্ষণের প্রয়োজনীয় উদ্যোগ গ্রহণ এবং সকল ধরণের প্রশিক্ষণ ও সেমিনার সম্পন্ন করতে সভায় পুনরায় নির্দেশনা দেয়া হয়। এছাড়া কর্মসূচির কার্যক্রম অব্যাহত রাখার নিমিত্ত আগামী ২ সপ্তাহের মধ্যে নতুন কর্মসূচীর প্রস্তাবটি সংশোধন করে প্রধান কার্যালয়ে প্রেরণের বিষয়ে সভায় সিদ্ধান্ত গৃহীত হয়। গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত ইতোমধ্যে প্রকাশিত তথ্যাদির (লিফলেট, পোষ্টার, হ্যান্ডবিল ও বুকলেট ইত্যাদি) সংখ্যা এবং কোথায় কত বিতরণ করা হয়েছে তা সদর দপ্তরে প্রেরণ করার জন্য সভায় নির্দেশনা প্রদান করা হয়। ইতোপূর্বে নির্দেশিত বিভাগীয় কার্যালয়ের সম্মুখে নির্মিত মডেল আলুর মিষ্টি ঘর এর অনুরূপ ঘর কর্মসূচি এলাকায় চালু করার জন্য সভাপতি নির্দেশনা প্রদান করেন। কর্মসূচি সমাপ্তি প্রতিবেদন প্রস্তুত করার প্রয়োজনীয় ব্যবস্থা গ্রহণ করতে সভাপতি নির্দেশনা প্রদান করেন।

২.৪ : ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচির কার্যক্রম আরো গতিশীল করার লক্ষ্যে আগামী মে/২০১৮ মাসের মধ্যে সকল প্রশিক্ষণ, সেমিনার ও মোটিভেশনাল ট্যুর কার্যক্রম সমাপ্ত করা সহ কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান স্থানে বিক্রয়ের ব্যবস্থা গ্রহণ করতে সভায় পুনরায় নির্দেশ প্রদান করা হয়। এছাড়া বিভাগীয় শহরের বিভিন্ন সুপারশপের উর্ধ্বতন কর্তৃপক্ষের সাথে আলোচনা করে ফ্রেশকাট কর্মসূচির উদ্যোক্তাগণ কর্তৃক উৎপাদিত পণ্য সামগ্রী বিক্রির ব্যবস্থা গ্রহণের নিমিত্ত কর্মসূচি হতে সংশ্লিষ্টদের সাথে সমঝোতা স্মারক (এমওইউ) স্বাক্ষর করার জন্য সভায় পুনরায় নির্দেশনা প্রদান করা হয়। আলু, টমেটোর বিকল্প ব্যবস্থা এবং ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে ব্যাপক প্রচার প্রচারণার লক্ষ্যে কৃষি তথ্য সার্ভিসের মাধ্যমে এবং ব্যক্তিগত পর্যায়ে বিভিন্ন জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে সভায় নির্দেশনা প্রদান করা হয়। এছাড়া জেলায় জেলায় আয়োজিত প্রশিক্ষণ, সেমিনার ও মোটিভেশনাল ট্যুর কার্যক্রম প্রচারের নিমিত্ত জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে প্রয়োজনীয় ব্যবস্থা গ্রহণ করতে হবে।

৩: দরপত্রের অগ্রগতি বিষয়ে আলোচনাঃ ২০১৭-১৮ অর্থ বছরের কর্ম ও ক্রয় পরিকল্পনা অনুযায়ী প্রকল্প/কর্মসূচি সমূহের যে সকল পণ্য/কার্য/ সেবার দরপত্রের কার্যাদেশ প্রদান করা হয়েছে তার গুণগত মান ও সিডিউলের নির্ধারিত স্পেসিফিকেশন মোতাবেক কার্য সম্পন্ন করতে সভায় নির্দেশনা প্রদান করা হয়।

৪-বিবিধঃ অধিদপ্তরের বিভিন্ন আঞ্চলিক প্রশিক্ষণ কেন্দ্রে বিদ্যমান অতি পুরাতন মেশিনারী গুলো ডিসপোজালের জন্য গঠিত কমিটি কার্যকর ব্যবস্থা গ্রহণ পূর্বক মতামতসহ প্রতিবেদন এখন পর্যন্ত সদর দপ্তরে প্রেরণ না করায় সভায় অসন্তোষ জ্ঞাপন করা হয় এবং দ্রুত এ বিষয়ে কার্যকর ব্যবস্থা গ্রহণের জন্য পুনরায় সভায় নির্দেশনা প্রদান করা হয়। কাঁঠালের গুণাবলী, ব্যবহার ও বিপণন সম্ভাবনার উপর ১টি প্রেজেন্টেশন প্রস্তুত ও কাঁঠাল মৌসুমের পূর্বেই ১টি স্টেকহোল্ডার সভার আয়োজন এবং কাঁঠাল মেলার সামগ্রিক প্রস্তুতি গ্রহণ করতে সভায় নির্দেশনা প্রদান করা হয়। কাঁঠালের চিপস, ফ্রেশকাট এবং কাঁচাকাঁঠালকে ভেজিটেবল মিট হিসেবে জনপ্রিয় করার উদ্যোগ নিতে সভায় নির্দেশনা প্রদান করা হয়। আলু ও টমেটো দিয়ে তৈরি বিভিন্ন রকমারি খাদ্যের প্রক্রিয়াজাতকরণ রেসিপি ও খাদ্যের বহুমুখী ব্যবহার সম্পর্কিত বিজ্ঞাপন জনবহুল পত্রিকায় প্রচারের ব্যবস্থা গ্রহণ করতে হবে। কৃষি মন্ত্রণালয়ে অনুষ্ঠিত বাস্তবায়ন অগ্রগতির পর্যালোচনা সভার আলোচনার প্রেক্ষিতে মাননীয় মন্ত্রী মহোদয়ের নির্দেশনা মোতাবেক সাদা রংয়ের ভুট্টায় পুষ্টিমান কম থাকায় রিবোফ্লোবিন/ভিটামিন এ এবং ডি সমৃদ্ধ ভুট্টা চাষে কৃষকদের উদ্বুদ্ধ করতে কৃষকদের সঠিক তথ্য জানিয়ে লিফলেট/পোষ্টার/হ্যান্ডবিল ইত্যাদি প্রচার করার জন্য উপ-পরিচাল (গবেষণা) ও সহকারী পরিচালক (প্রশাসন) কে নির্দেশনা প্রদান করা হয়। এছাড়া কৃষি বিজ্ঞান, প্রায়োগিক গবেষণা, ফসলসমূহের জাতের উন্নয়ন, পুষ্টিগুণ, খাদ্যমান/নিরাপত্তা নিশ্চিতকরণ, খাদ্যের বহুমুখী ব্যবহার, ফসল সংরক্ষণসহ নানা বিষয়ে গঠিত রাইটার্স পুলে প্রতি মাসে

২টি তথ্য সমৃদ্ধ অনুসন্ধিৎসু লিখা নিয়মিতভাবে কৃষি মন্ত্রণালয়ে প্রেরণ করার উদ্যোগ গ্রহণ করতে উপ-পরিচালক (গবেষণা)কে নির্দেশনা প্রদান করা হয়। ফ্রেসকাট কর্মসূচির আওতায় ফ্রেসকাট শাক-সবজি অথবা ফলমূল দিয়ে তৈরী খাবার ব্যাপক প্রচারের লক্ষ্যে কৃষি মন্ত্রণালয়ে অনুষ্ঠিত বাস্তবায়ন অগ্রগতির পর্যালোচনা সভার বিতরণের ব্যবস্থা গ্রহণ করতে কর্মসূচি পরিচালককে সভায় নির্দেশনা প্রদান করা হয়। প্রকল্প পরিচালক/কর্মসূচি পরিচালকগণকে সভার কার্যবিবরণী অনুযায়ী সিদ্ধান্ত বাস্তবায়ন অগ্রগতির প্রতিবেদন এবং পরবর্তী সভার কার্যপত্রে অন্তর্ভুক্তির জন্য নতুন কোন আলোচ্য বিষয় থাকলে তা লিখিতভাবে মহাপরিচালক বরাবর অবশ্যই নির্ধারিত তারিখের মধ্যে প্রেরণ করার জন্য সভায় পুনরায় নির্দেশনা প্রদান করা হয়।


৫: সভার সিদ্ধান্তসমূহঃ

এডিপি বাস্তবায়নের হার আরও গতিশীল করার নিমিত্ত প্রকল্প/কর্মসূচি সংশ্লিষ্ট সকল কার্যক্রম দ্রুত সময়ের মধ্যে সম্পাদনের জন্য বিস্তারিত আলোচনান্তে নিম্নরূপ সিদ্ধান্ত গৃহীত হয়।

ক্রঃ নং	সিদ্ধান্ত সমূহ	বাস্তবায়নকারী কর্তৃপক্ষ
৫.১	(ক) প্রকল্পের আওতায় এসেম্বল সেন্টার নির্মাণ কাজ ওয়ার্ক অর্ডারে প্রদানকৃত নির্ধারিত সময়ের মধ্যে শেষ করার প্রয়োজনীয় উদ্যোগ গ্রহণ এবং নির্মাণকারী প্রতিষ্ঠানকে এ বিষয়ে পত্র দিতে হবে। এছাড়া ইতোমধ্যে নির্মাণকৃত এসেম্বল সেন্টারের উত্তোখনের প্রয়োজনীয় ব্যবস্থা গ্রহণ করতে হবে। (খ) প্রকল্পের আওতায় নির্মিত অফিস কাম ট্রেনিং সেন্টারের নির্মাণকাজ বাবদ আরো ২৫.০০ (পঁচিশ) লক্ষ টাকা নির্মাণকারী প্রতিষ্ঠানকে প্রদান করতে হবে। (গ) রমজানের পূর্বে সিলেট অঞ্চলের সকল ধরনের প্রশিক্ষণ, সার্ভে ও সেমিনার শেষ করতে হবে।	প্রকল্প পরিচালক আইসিআইএসআরপি (ডিএএম অংগ)
৫.২	(ক) ১৫ মে, ২০১৮ মাসের মধ্যে সকল আলুর ঘর নির্মাণ কাজ সমাপ্ত করে আলু সংরক্ষণের প্রয়োজনীয় উদ্যোগ গ্রহণ এবং সকল ধরনের প্রশিক্ষণ ও সেমিনার সম্পন্ন করতে হবে। (খ) কর্মসূচির কার্যক্রম অব্যাহত রাখার নিমিত্ত আগামী ২ সপ্তাহের মধ্যে নতুন কর্মসূচির প্রস্তাবটি সংশোধন অন্তে মন্ত্রণালয়ে প্রেরণ করতে হবে।	কর্মসূচী পরিচালক বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচী
৫.৩	(ক) গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত ইতোমধ্যে প্রকাশিত তথ্যাদির (লিফলেট, পোস্টার, হ্যান্ডবিল ও বুকলেট ইত্যাদি) সংখ্যা এবং কোথায় কি পরিমাণ বন্টন করা হয়েছে তার প্রতিবেদন সদর দপ্তরে প্রেরণ করতে হবে। (খ) রংপুর বিভাগীয় কার্যালয়ের সম্মুখে নির্মিত মডেল আলুর মিষ্টি ঘর এর অনুরূপ ঘর কর্মসূচি এলাকায় চালু করতে হবে। (গ) কর্মসূচি সমাপ্তি প্রতিবেদন প্রস্তুত করার প্রয়োজনীয় ব্যবস্থা গ্রহণ করতে হবে।	কর্মসূচী পরিচালক বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচী ও উপ- পরিচালক (সংশ্লিষ্ট)
৫.৪	(ক) আগামী মে, ২০১৮ মাসের মধ্যে সকল প্রশিক্ষণ, সেমিনার ও মোটিভেশনাল ট্যুর কার্যক্রম সমাপ্ত করাসহ কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান স্থানে বিক্রয়ের ব্যবস্থা গ্রহণ করতে হবে। (খ) কর্মসূচি হতে যে সকল জেলায় ভ্যান ও অন্যান্য পণ্য সামগ্রি বিতরণ করা হয়েছে তার যথাযথ ব্যবহার নিশ্চিত করতে সংশ্লিষ্ট বিভাগীয় উপ-পরিচালকগণ মনিটরিং এর ব্যবস্থা গ্রহণ করবেন।	উপ-পরিচালক সংশ্লিষ্ট বিভাগ ও কর্মসূচী পরিচালক ফ্রেসকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী

৫.৫	<p>(ক) অতিদ্রুত বিভাগীয় শহরের বিভিন্ন সুপারশপের উর্ধ্বতন কর্তৃপক্ষের সাথে আলাপ আলোচনা করে ফ্রেশকাট কর্মসূচির উদ্যোগাগণ কর্তৃক উৎপাদিত পণ্য সামগ্রি বিক্রির ব্যবস্থা গ্রহণের নিমিত্ত সংশ্লিষ্টদের সাথে সমঝোতা স্মারক (এমওইউ) স্বাক্ষরের উদ্যোগ গ্রহণ করতে হবে।</p> <p>(খ) আলু, টমেটোর বিকল্প ব্যবহার এবং ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে (কৃষি তথ্য সার্ভিসের মাধ্যমে এবং ব্যক্তিগত পর্যায়ে যোগাযোগ করে) বিভিন্ন জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে হবে।</p> <p>(গ) জেলায় জেলায় আয়োজিত প্রশিক্ষণ, সেমিনার ও মোটিভেশনাল ট্যুর কার্যক্রম প্রচারের নিমিত্ত জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে হবে।</p>	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী
৫.৬	<p>(ক) আলু ও টমেটো দিয়ে তৈরি বিভিন্ন রকমারি খাদ্যের প্রক্রিয়াজাতকরণ রেসিপি ও খাদ্যের বহুমুখী ব্যবহার সম্পর্কিত বিজ্ঞাপন জনবহুল পত্রিকায় প্রচারের ব্যবস্থা গ্রহণ করতে হবে।</p> <p>(খ) কৃষি বিজ্ঞান, প্রায়োগিক গবেষণা, ফসলসমূহের জাতের উন্নয়ন, পুষ্টিগুণ, খাদ্যমান/নিরাপত্তা নিশ্চিতকরণ, খাদ্যের বহুমুখী ব্যবহার, ফসল সংরক্ষণসহ নানা বিষয়ে নিয়মিতভাবে প্রতি মাসে ২টি তথ্য সমৃদ্ধ অনুসন্ধিৎসু লিখা কৃষি মন্ত্রণালয়ে গঠিত রাইটার্স পুলে প্রেরণ করার উদ্যোগ গ্রহণ করতে হবে।</p>	উপ-পরিচালক (গবেষণা)
৫.৭	<p>(ক) কাঁঠালের বহুমুখী ব্যবহার সম্পর্কে লিফলেট/ফোল্ডার প্রস্তুত করে ব্যাপক প্রচারের ব্যবস্থা নিতে হবে।</p> <p>(খ) কাঁঠালের গুনাবলী, ব্যবহার ও বিপণন সম্ভাবনার উপর ১টি প্রেজেন্টেশন প্রস্তুত ও কাঁঠাল মৌসুমের পূর্বেই ১টি স্টেকহোল্ডার সভার আয়োজন করতে হবে।</p>	উপ-পরিচালক (বাজার সংযোগ) ও উপ-পরিচালক (গবেষণা)
৫.৮	<p>(ক) জাতীয় ফল মেলার সামগ্রিক প্রস্তুতি গ্রহণ করতে হবে।</p> <p>(খ) কাঁঠালের চিপস, ফ্রেশকাট এবং কাঁচাকাঁঠালকে ডেজিটেবল মিট হিসেবে জনপ্রিয় করার উদ্যোগ নিতে এবং কাঁঠাল প্রক্রিয়াজাত করে বিভিন্ন পণ্য উৎপাদনের সুবিধার্থে এতদসংক্রান্ত লিফলেট বুকলেট প্রনয়ণ করতে হবে।</p> <p>(গ) ফ্রেশকাট কর্মসূচির আওতায় ফ্রেশকাট শাক-সবজি অথবা ফলমূল দিয়ে তৈরী খাবার ব্যাপক প্রচারের লক্ষ্যে কৃষি মন্ত্রণালয়ে অনুষ্ঠিত বাস্তবায়ন অগ্রগতির পর্যালোচনা সভায় বিতরণের ব্যবস্থা গ্রহণ করতে হবে।</p>	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী

৬। আর কোন আলোচ্য বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।


 (মোঃ মাহবুব আহমেদ)
 মহাপরিচালক
 কৃষি বিপণন অধিদপ্তর